

FIFA

ČLANICAMA FIFA-e

Cirkularno pismo br. 959

Zürich, 16.03.2005

FIFA Pravilnik o statusu i transferu igrača

Poštovani,

Na sastanku održanom u Zürichu 18. i 19.12.2004. godine, Izvršni odbor FIFA-e usvojio je revidirani Pravilnik o statusu i transferu igrača. Ovaj Pravilnik će stupiti na snagu 01.07.2005. godine. Sa zadovoljstvom vam ovom prilikom dostavljamo tekst ovog Pravilnika. Ujedno vas obavještavamo da je Pravilnik dostupan na sva četiri službena jezika i na zvaničnoj web stranici FIFA-e (www.fifa.com).

Pravilnik je predstavljen u novom izdanju sa strukturom koja je jednostavnija za upotrebu i sadrži glavni set odredbi kao i pet tehničkih aneksa. Uvrštena su brojna cirkularna pisma koja su od stupanja na snagu izdanja od 2001 godine Pravilnika dopunjavala pravila o prelascima. U isto vrijeme, načela dogovorena sa Komisijom Evropske Unije 05.03.2001 godine su zadržana i uredno su uvrštena u tekst.

Nekoliko novih formalnih i materijalnih elementa je dodano, kako bi se unaprijedio Pravilnik, kao što je to lista najviše ponavljanih definicija, naslov svakom članu i, u odnosu na pitanja jurisdikcije, jasan opis nadležnosti i Komiteta za status igrača i Komore za rješavanje sporova. Osim toga, na osnovu pozitivnih iskustava sa Sudijom pojedincem Komiteta za status igrača, i na nivou Komore za rješavanje sporova uvest će se dvojica tzv. sudija Komore za rješavanje sporova.

Što se tiče kompenzacije za treniranje, trenutni sistem je zadržan, tj. svaka asocijacija članica treba odrediti svoje klubove u kategorije u skladu sa finansijskim investiranjem klubova u treniranje mladih igrača. U prilogu ovog cirkularnog pisma naći ćete tabelu za svaku kategoriju, koja prikazuje kategorije u koju svaka asocijacija treba odrediti svoje klubove kao i troškove treniranja, koji su utvrđeni na konfederativnoj osnovi za svaku kategoriju klubova.

Potrebno je da odredite svoje klubove u kategorije koje su prikazane u tabeli. Nije potrebno određivanje klubova ukoliko vaši klubovi potpadaju pod 4. kategoriju. Kategorizacija klubova će biti revidirana na kraju svake kalendarske godine. Razni troškovi treniranja kao i kategorizacija klubova za svaku asocijaciju objaviće se na FIFA web stranici.

Ljubazno vas molimo da prijavite kategorizaciju svojih klubova FIFA-i do **15.04.2005 godine** najkasnije. Ukoliko ne dobijemo vaš odgovor, kategorija 4. će se primijeniti na sve proračune uključujući proračune vaših klubova do kraja decembra 2005, kada će se kategorizacija revidirati.

Nadalje, sve asocijacije također trebaju prijaviti FIFA-i do 15.04.2005 datume koje su odabrale za svoja dva prelazna perioda po godini, u skladu sa članom 6. revidiranog Pravilnika. Ukoliko ne dobijemo odgovor vašeg Saveza, FIFA će odrediti datume za vaš Savez. Još jednom želimo istaći da je primjena registracionih perioda nužni i sastavni uslov za provođenje Pravilnika i, shodno tome, moramo insistirati na primjeni ovog pravila.

Tokom prvog dijela ove godine, FIFA će izdati set proceduralnih prava koji će se primijeniti i za Komitet za status igrača i za Komoru za rješavanje sporova. Nadalje, objaviće se i priručnik koji jednostavnim terminima i dijagramom opisuje Pravilnik kao i pravne procedure pred FIFA organima.

Konačno, želimo vas obavijestiti da tokom narednih mjeseci naša organizacija planira održati nekoliko informativnih seminara na nivoima konfederacija za sve asocijacije članice na kojima će se Pravilnik dublje objasniti, a sva relevantna pitanja proistekla iz revidiranog teksta mogu biti razjašnjena. Detaljne informacije o datumu i mjestu seminara bit će vam javljene na vrijeme.

Zahvaljujemo na vašoj pažnji po prednjem te vam ostajemo na potpunom raspolaganju za sve daljnje informacije koje možete trebati.

Vjerno vaši,
FIFA

Urs Linsi
Generalni sekretar

Troškovi treniranja i kategorizacija klubova za 2005. godinu

Niže prikazani troškovi treniranja utvrđeni su na konfederativnoj osnovi za svaku kategoriju klubova. U skladu sa članom 6. Pravilnika o statusu i transferu igrača, ovi troškovi treniranja će se revidirati na kraju svake kalendarske godine.

Konfederacija	Kategorija I	Kategorija II	Kategorija III	Kategorija IV
AFC (Azija)		40,000 USD	10,000 USD	2,000 USD
CAF (Afrika)		30,000 USD	10,000 USD	2,000 USD
CONCACAF (S. Amerika)		40,000 USD	10,000 USD	2,000 USD
CONMEBOL (J. Amerika)	50,000 USD	30,000 USD	10,000 USD	2,000 USD
OFC (Okeanija)		30,000 USD	10,000 USD	2,000 USD
UEFA (Evropa)	90,000 EUR	60,000 EUR	30,000 EUR	10,000 EUR

Nadalje, naći ćete tabelu svake konfederacije, koja prikazuje kategorije u koje je potrebno da svaka asocijacija odredi svoje klubove. Neće biti potrebno određivati kategoriju ukoliko vaši klubovi potpadaju u kategoriju 4.